



Broj: 10/E-11-2538/26-4
Sarajevo, ~~14-05-2026~~ . godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-150/26 od 06.03.2026. godine, (u daljem tekstu: Komisija II), u postupku javne nabavke korisničkog softvera, za LOT 4 – razni softveri, putem otvorenog postupka (Zapisnik o pregledu i ocjeni ponuda broj: 10/E-11-2538/26-4 od 6.5.2026. godine), Općinski načelnik donosi

O D L U K U **o poništenju postupka javne nabavke**

I Poništava se postupak javne nabavke korisničkog softvera, za LOT 4 – Razni softveri, putem otvorenog postupka, iz razloga što nijedna primljena ponuda nije prihvatljiva.

II Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.

III Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke korisničkog softvera, pokrenut je Odlukom Općinskog načelnika o pokretanju postupka javne nabavke, putem otvorenog postupka, broj: 10/E-11-1538/26 od 06.04.2026. godine, sa ukupnom procijenjenom vrijednošću 133.000,00 KM bez PDV-a.

Predmet nabavke je podijeljen na lotove, i to:

- LOT 1 – Autodesk
- LOT 2 – Microsoft
- LOT 3 – Adobe
- LOT 4 – Razni SW

Procijenjena vrijednost nabavke za LOT 4 – Adobe bez uračunatog PDV-a iznosi 7.000,00 KM. Obavještenje o nabavci 848-1-1-64-3-103/26 objavljeno je dana 6.4.2026. godine na Portal javnih nabavki (www.ejn.gov.ba).

U krajnjem roku za predaju ponuda određen tenderskom dokumentacijom (29.4.2026. godine do 12:00 sati), na adresu Ugovornog organa primljene su dvije ponude ponuđača: 1. FIXIT d.o.o. Sarajevo i 2. DIGITARIJA d.o.o. Sarajevo. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitane su cijene ponuda, kako slijedi:

R/b	Ponuđač	Ukupna cijena bez PDV-a	Popust
1.	FIXIT" d.o.o. Sarajevo	7.000,00	/
2.	"DIGITARIJA" d.o.o. Sarajevo	6.996,00	/

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Na osnovu detaljnog pregleda i analize ponuda, Komisija II je konstatovala da ponuđači FIXIT d.o.o. Sarajevo i DIGITARIJA d.o.o. Sarajevo ne zadovoljavaju minimalne uslove tehničke i profesionalne sposobnosti, propisane tačkom 7.3.1. pod a) tenderske dokumentacije za navedenu nabavku.

Ovu ocjenu Komisija II je obrazložila obrazlaže na sljedeći način:

Ponuđač: FIXIT d.o.o. Sarajevo

Nakon otvaranja, pregleda i ocjene ponuda, Komisija je utvrdila da ponuda ponuđača **FIXIT d.o.o. Sarajevo** nije pripremljena u skladu sa zahtjevima iz tenderske dokumentacije za LOT 4 – Razni softveri.

Tenderskom dokumentacijom, u Poglavlju 7. (USLOVI ZA KVALIFIKACIJU PONUĐAČA), podnaslov 7.3. (TEHNIČKA I PROFESIONALNA SPOSOBNOST), tačkama 7.3.1. pod a) i 7.3.2. pod a), propisano je sljedeće:

7.3.1. a) da će ponuđač isporučiti softvere/licence regularnim (službenim) kanalima proizvođača.

7.3.2. a) Izjava na memorandumu ponuđača kojom potvrđuje da će distributer isporuku softvera/licenci izvršiti regularnim (službenim) kanalima proizvođača.

Izjava mora biti potpisana od strane ovlaštene osobe i ovjerena pečatom ponuđača.

Uz izjavu je potrebno dostaviti potvrdu distributera softvera/licenci kojom se potvrđuje da će se isporuka softvera/licenci izvršiti regularnim (službenim) kanalima proizvođača.

Uvidom u ponudu ponuđača **FIXIT d.o.o. Sarajevo** utvrđeno je da isti uz svoju izjavu nije dostavio traženu potvrdu distributera softvera/licenci, čime je postupio suprotno eksplicitnom zahtjevu iz tačke 7.3.2. pod a) tenderske dokumentacije.

Ponuđač je u svojoj izjavi naveo da ne postoji ovlaštenu distributer za BiH za predmetnu nabavku, međutim, Komisija II ukazuje na činjenicu da je tenderska dokumentacija „zakon“ za konkretni postupak nabavke.

Ponuđači su dužni pridržavati se zahtjeva i uslova iz tenderske dokumentacije (član 57. stav (1) Zakona o javnim nabavkama), a tenderska dokumentacija je obavezujuća kako za ugovorni organ, tako i za ponuđače.

S obzirom na to da je ugovorni organ kumulativno zahtijevao i izjavu ponuđača i potvrdu distributera, a da ponuđač nije dostavio traženu potvrdu, Komisija II je konstatovala da ponuda ne ispunjava uslove kvalifikacije.

Napominje se da ponuđač nije koristio institut pojašnjenja tenderske dokumentacije iz člana 54. Zakona o javnim nabavkama u pogledu objektivne mogućnosti ispunjenja ovog uslova.

Imajući u vidu navedeno, Komisija II je ocijenila da je ponuda ponuđača neprihvatljiva u smislu člana 2. stav (1) tačka l) alineja 2) Zakona o javnim nabavkama, te ju je odbacila u skladu sa članom 68. stav (4) tačka i) Zakona o javnim nabavkama.

Ponuđač: DIGITARIJA d.o.o. Sarajevo

Nakon otvaranja, pregleda i ocjene ponuda, Komisija je utvrdila da ponuđač **DIGITARIJA d.o.o. Sarajevo** nije ispunio minimalne uslove za kvalifikaciju definisane tenderskom dokumentacijom za LOT 4 – Razni softveri.

U tački 7.3.2. pod a) tenderske dokumentacije, ugovorni organ je jasno propisao obavezu **dostavljanja potvrde distributera softvera/licenci kojom se potvrđuje isporuka regularnim (službenim) kanalima proizvođača.**

Ponuđač **DIGITARIJA d.o.o. Sarajevo** u svojoj ponudi nije dostavio navedenu potvrdu distributera, već je u priloženoj izjavi naveo da će softvere nabaviti putem interneta.

Navedeno obrazloženje ponuđača ne može zamijeniti niti suspendovati zahtjev iz tenderske dokumentacije koji je obavezujući za sve učesnike u postupku.

Ponuđač je, u skladu sa članom 54. Zakona o javnim nabavkama, imao mogućnost da u zakonski predviđenom roku traži pojašnjenje ili izmjenu tenderske dokumentacije ukoliko je smatrao da je postavljeni uslov neobjektivan ili ga nije moguće ispuniti, što u konkretnom slučaju nije učinjeno.

Članom 57. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) propisano je da su kandidat/ponuđač dužni pridržavati se zahtjeva i uslova iz tenderske dokumentacije.

Članom 68. stav (4) tačka i) Zakona o javnim nabavkama propisano je da je ugovorni organ dužan odbaciti ponudu koja nije potpuna i ne ispunjava zahtjeve iz tenderske dokumentacije.

Budući da ponuđač nije priložio kumulativno tražene dokaze iz tačke 7.3.2. pod a) TD (izjavu ponuđača i potvrdu distributera), Komisija II je ocijenila da je ponuda neprihvatljiva u smislu člana 2. stav (1) tačka l) alineja 2) Zakona o javnim nabavkama.

Odredbom člana 69. stav (2) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24) propisano je da je ugovorni organ obavezan poništiti postupak javne nabavke u slučaju kada nijedna od zaprimljenih ponuda nije prihvatljiva.

U skladu sa navedenim, Komisija II je na zatvorenoj sjednici održanoj dana 6.5.2026. godine, putem javnog glasanja, jednoglasno donijela zaključak kojim Općinskom načelniku, kao rukovodiocu ugovornog organa, predlaže da, na osnovu člana 69. stav (2) tačka d) Zakona o javnim nabavkama, donese odluku o poništenju postupka javne nabavke korisničkog softvera, za LOT 4 – Razni softveri.

Općinski načelnik u postupku predmetne nabavke nije našao razloge niti nepravilnosti u radu Komisije II koji bi bili osnov za neprihvatanje prijedloga Komisije II, te je u skladu sa članom 70. stav (1) i (4) Zakona o javnim nabavkama donio odluku kao u dispozitivu.

Pouka o pravnom lijeku:


Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-2538/26-4 od 6.5.2026. godine



Dostaviti:

1. Ponuđaču: FIXIT d.o.o. Sarajevo
ulica Zaima Šarca broj 34, 71000 Sarajevo
2. Ponuđaču: DIGITARIJA d.o.o. Sarajevo
ulica Zmaja od Bosne broj 14c, 71000 Sarajevo
3. Kabinetu općinskog načelnika – Odsjek za informatiku
4. Kabinetu općinskog načelnika – Odsjek za javne nabavke
5. Službi za finansije
6. U spis